

2. Մ. ԳՐԻԳՈՐՅԱՆ

ՍԻՐԻԱՅԻ ՊԱՅՔԱՐԸ «ԻՐԱՔ ՓԵԹՐՈՒՈՒՄ ՔՈՄՓԱՆԻԻ»
ՀԵՏ ԿՈՆՑԵՍԻՈՆ ՀԱՄԱԶԱՅՆԱԳՐԻ ՎԵՐԱՆԱՅՄԱՆ ՀԱՄԱՐ

1963 թ. մարտին Սիրիայում իշխանության գլուխ անցնելուց հետո Բաաս կուսակցությունը ներքին քաղաքականության բնագավառում առաջին պլան մղեց երկրի տնտեսական զարգացման մեջ պետության գերի ընդարձակման խնդիրը:

Քաղաքական և սոցիալ-տնտեսական առաջադիմության ճանապարհին կարևոր քայլ էր երկրի բոլոր բնական հարստությունների, ինչպես նաև դրանց մշակմամբ զբաղված տեղական և օտարերկրյա ընկերությունների ազգայնացումը:

Ազգայնացումը անմիջականորեն հարվածեց նաև խոշորագույն իմպերիալիստական նավթային մոնոպոլիաների, մասնավորապես «Սոկոնի Վակումի», «Շելլի» և «Էսսոի» շահերին: Ինչպես հայտնի է, միջազգային նավթային կառույցի շրջանակներում միավորված և այսպես կոչված անկախ նավթային ընկերությունները 60-ական թվականների էկսերին նավթ արդյունահանող արաբական երկրներում ոչ միայն դեռ պահպանում էին իրենց տիրապետող դիրքերը, այլ նաև էական բացասական ազդեցություն էին թողնում Մերձավոր արևելքի ընդհանուր քաղաքական իրադրության վրա:

Ազգայնացնելով նավթային մոնոպոլիաների սեփականությունը, Սիրիան ակնառու ձևով ցույց տվեց արաբական աշխարհում իմպերիալիզմի ազդեցության քաղաքական-տնտեսական հիմնական օջախները հաջողությամբ վերացնելու հնարավորությունն ու ուղիները: Եվ այս տեսակետից սիրիական ղեկավարության դործողությունները կարելի է իրավացիորեն դիտել նաև որպես ընդհանրապես Մերձավոր արևելքում

իմպերիալիստական տերութիւնների դիրքերն արմատախիլ անելուն ուղղված բայեր:

Սիրիայի արտաքին քաղաքականութեան այժմեայ դիրքը, որն արմատական դարգացում ապրեց 1966 թ. Բաաս կուսակցութեան ձախ թևի իշխանութեան գլուխ անցնելուց հետո, չէր կարող լուրջ անհանգստութիւն առաջ չբերել նաւթային մոնոպոլիաներում և նրանց հետևում կանգնած իմպերիալիստական շրջաններում, Իսրայելում և արաբական հետադիմական երկրներում: Այս անհանգստութիւնը տաքսապի վերածվեց այն բանից հետո, երբ Սիրիան Ռիաք փեթրոլիում քոմիտէին՝ նաւթային կոնսորցիումի դէմ մեղադրանք հարուցեց Սիրիայի տարածքով իրաքեան նաւթի տեղափոխման կոնցեսիոն համաձայնագրի կոպիտ խախտումների վերաբերյալ:

Այդ մեղադրանքը մանրամասն հիմնավորված էր Ռիաք փեթրոլիումի դիրեկտորների խորհրդին ուղղված 1966 թ. օգոստոսի 28 թվագիր հուշագրում: Դրանում մասնավորապես ընդգծվում էր, որ ընկերութեանը կեղծ հաշվետւութիւններ ներկայացնելով, տաս տարվա ընթացքում միտումնավոր իջեցնում էր Սիրիայի օգտին կատարված կոնցեսիոն մասնահանումները և արդյունքում՝ չի վճարել նրան 40 միլիոն անգլիական ֆունտ ստեռլինգ: Այս կապակցությամբ, և ելնելով սիրիական ժողովրդի ազգային շահերը պաշտպանելու պահանջից, Սիրիական կառավարութիւնը կտրականորեն պահանջում էր կոնցեսիոն մասնահանումների բարձրացում 50%-ով և պարտքի մարում:

«Իրաք փեթրոլիում» նաւթային ընկերութիւնում նաւթային մոնոպոլիաների մասնակցութիւնը հետևյալ հարաբերությամբ էր. անգլիական Ռիթթիշ փեթրոլիում՝ 23,75%, անգլո-հունանդական Ռոյալ Դատչ-Շելլ՝ 23,75%, ֆրանսիական Վոմպանի ֆրանսիզ դը պետրոլ՝ 23,75%, ամերիկյան Սթանդարթ օյլ քոմիտէի օֆ Նյուշերսի» և Մոբիլ օյլ՝ 11,75-ական % և Շելլին՝ հարող «Փարթեքս»՝ 5%⁴: Հարկ է նշել, որ Ռիթթիշ փեթրոլիումի բաժնետոմսերի վերահսկիչ ժրարը (մոտ 56%) պատկանում էր Անգլիայի կառավարութեանը, իսկ ֆրանսիական կառավարութիւնը վերահսկում էր Վոմպանի ֆրանսիզ դը պետրոլի» բաժնետոմսերի 35%-ը և վարչութեան ձայների 40%-ը⁵:

Այդ երկրները շահագրգռված էին կոնսորցիումի դիրքերի ամրապնդման մեջ, ելնելով և՛ իրենց մերձավորարեւելյան ստրատեգիայի և՛ եկամուտների բաժանման մեջ իրենց անմիջական մասնակցութեան պահանջներից:

Դեռևս 40-ական թթ. «Բրիթիշ փեթրոլիումի» և անգլիական կառավարության միջև գաղտնի համաձայնագիր էր կնքվել, ըստ որի ընկերությանը հնարավորություն էր տրվում կոնցեսիոն ծախսերի մի մասը վճարել այն գումարի հաշվին, որը հաշվարկվում էր որպես անգլիական գանձարկը մտնող եկամտահարկի Համանման համաձայնագրեր էին կայացվել նաև կոնսորցիումի մյուս մասնակիցների հետ։ Միայն այդ համաձայնագրի միջոցով 1952—1972 թթ. «Երաք փեթրոլիումը» լրացուցիչ շահել էր 7 միլիարդ ֆունտ ստեռլինգ⁶։ Այսպիսով արհեստականորեն իջեցվում էր ընկերության փաստացի շահերի գումարը, ինչը և նրան հնարավորություն էր ընձեռում էականորեն կրճատել Իրաքի և Սիրիայի կառավարություններին կատարվող կոնցեսիոն մասնահանումները⁷։

Սիրիայի և «Երաք փեթրոլիումի» միջև բանակցությունների առաջին փուլը տեղի ունեցավ Դամասկոսում 1966 թ. սեպտեմբերի 10-ից 17-ը։ Սեպտեմբերի 18-ին ընկերության ներկայացուցիչները ընդհատելով բանակցությունները մեկնեցին Լոնդոն, որն իբրև կապիած էր դիրեկտորների խորհրդի հետ խորհրդակցելու և անհրաժեշտ փաստաթղթեր պատրաստելու հետ⁸։

Պարզ է, սակայն, որ այդ բրոշումը իրականում բոլորովին այլ պատճառ ուներ։ Ընկերության ներկայացուցիչների գրաված դիրքը անմիջապես և համոզիչ կերպով ցույց տվեց, որ ընկերությունը ոչ միայն չի ձգտում լուծել խնդիրը, այլ նաև մտադիր է ամեն կերպ ձգձգել բանակցությունները, որպեսզի ժամանակ շահի սիրիական կառավարության վրա քաղաքական ճնշում գործադրելու համար։ Դեռ ավելին, այժմ արդեն կասկած չի հարուցում այն, որ խուսափելով Սիրիային ուղղակի պատասխան տալուց, «Երաք փեթրոլիումի» ղեկավարությունը հլնում էր երևրի քաղաքական կուրսում արմատական փոփոխման հնարավորություններից։ Ընդ որում խոսվում էր ինչպես պետական հեղաշրջման, այնպես էլ դեպի աջ որակական տեղաշարժի մասին, որոնց կարող էր հանգեցնել այդ շրջանում նկատվող երկրի ներքաղաքական իրադրության խիստ սրումը և հարևան երկրների հետ Սիրիայի հարաբերություններում լարվածության աճը։

Այսպես, հոկտեմբերի սկզբին Սիրիայում բացահայտվեցրն երկու դավադրություններ, նախապատրաստված 1966 թ. փետրվարին իշխանությունից հեռացված աջ բաասիստներ Մ. Աֆլակի և Ս. Բիտարի, ինչպես նաև Բաաս կուսակցության ռեգիոնալ ղեկավարության նախ-

կին անդամ մայրը Ս. Հատումի կողմից³։ Սիրիայի պրեզիդենտ Ն. Աբասին, նշելով «Իրաք փեթրոլիումի» մասնակցությունը այդ դավադրություններին, ընդգծեց, որ նրանց նպատակն էր «ձանապարհ բացել հետադիմության, նավթային մոնոպոլիաների և իմպերիալիզմի համար, հարված հասցնել հեղափոխությանը և ի չիք դարձնել նրա նվաճումները ինչպես ներքին, այնպես էլ արտաքին ասպարեզներում»¹⁵։

Սիրիայում առանձնահատուկ մտահոգություն առաջացրին նաև սեպտեմբերի վերջին ի հայտ եկած հաղորդագրությունները իր սահմաններում Թուրքական զորքերի համակենտրոնացման մասին, որը կրում էր բացահայտ պրովոկացիոն բնույթ¹⁶։

Բանակցությունների երկրորդ փուլը Դամասկոսում նույնպես կոնկրետ արդյունքներ չտվեց։ Եվ նորից ընկերության ներկայացուցիչների մեկնումը Լոնդոն ուղեկցվեց սիրիա-խորասելական սահմանում ռազմաքաղաքական լարվածության սրմամբ¹²։ Այսպիսի «համընկնումների» կրկնությունը նաև հետազայում, իրավունք էր տալիս կառավարող կուսակցության օրգան «Ալ Բասա» թերթին պնդելու, որ զուտ ֆինանսական կարգի հարց քննարկելիս «Իրաք փեթրոլիումը» ներկայանում է ոչ թե որպես նավթարդյունահանող ընկերություն, այլ որպես մի քաղաքական կազմակերպություն, որը փակուղու առջև է կանգնեցնում և հետաձգում բանակցություններն «ամեն անգամ, երբ նոր դավադրություն է պատրաստվում (Սիրիայի դեմ—Հ. Գ.)», և վերսկսում է դրանք, երբ այդ դավադրությունը խափանվում է...»¹³։

Մի շարք միջոցներ նախատեսելով Խորասելի նախահարձակողական քաղաքականությանը դիմագրավելու համար, սիրիական ղեկավարությունը միաժամանակ միջոցառումներ իրականացրեց չեզոքացնելու համար Թուրքիայի պրովոկացիաները։ Այսպես, Սիրիայի վարչապետ Յու. Զուեյնը հոկտեմբերի 23-ին որոշեց կալանք դնել երկրում ապրող Թուրքահայատականների սեփականության վրա¹⁴։ Ընդունելով այդ որոշումը Սիրիան մասնավորապես ելնում էր նրանից, որ այդ շրջանում Թուրքիան ակտիվորեն միանում էր իմպերիալիստական շրջանների՝ սիրիական ժողովրդի և նրա ղեկավարների վրա ռազմաքաղաքական ճնշում գործադրելու բոլոր փորձերին։

Պարզ է նաև, որ Թուրքիան ինքն էլ շահագրգռված էր «Իրաք փեթրոլիումին» աջակցելու գործում, քանի որ ներկայացնելով իրեն որպես այդ ընկերության շահերի ջերմեռանդ պաշտպան, Անկարան հույս ուներ համագործակցություն հաստատել նավթային բիզնեսի հետ։ Այդ

չապակցությամբ պետք է հիշատակել արաբական մամուլի հաղորդումներն այն մասին, որ «Իրաք փեթրոլիումը» քննարկում է Թուրքիայի տարածքով նավթամուղ անցկացնելու նախագիծ, որի իրականացումը կախված կլինի Սիրիայի հետ ընկերության բանակցությունների արդյունքից¹⁵։ Պետք է նշել, սակայն, որ սիրիական ղեկավարությունը այդ նախագծին լուրջ նշանակություն չտվեց, այն դիտելով որպես դատարկ սպառնալիք¹⁶։

1966 թ. հոկտեմբերի 26-ին «սկսվեց բանակցությունների երրորդ փուլը, որի ժամանակ նախաձեռնություն հանդես բերելով Սիրիան նոր պահանջներ ներկայացրեց «Իրաք փեթրոլիումին»։ Այսպես, ընկերության ներկայացուցիչներին փոխանցվեց Սիրիայի դատական մարմինների որոշումը՝ «Իրաք փեթրոլիումին» մաքսային կարգը խախտելու համար 1,5 միլիոն դոլար տուգանելու մասին¹⁷։ Միաժամանակ Դեյր Ջորի աշխատանքային հարցերի գծով արբիտրաժային դատարանը ընկերությունից պահանջեց 1,25 մլն. դոլար փոխհատուցում տրամադրել իր ընտանիքավոր ծառայողներին, որպես անապատային պայմաններում աշխատանքի հավելավճար¹⁸։ Ընկերության ներկայացուցիչների քննարկմանն հանձնվեց նաև Սիրիայի արհմիությունների ֆեդերացիայի հայցը, որում «Իրաք փեթրոլիումը» մեղադրվում էր նրանում, որ բժշկական ծախսերը մտցնելով ծախսերի բաժնում, նա խախտել է ոչ միայն գոյություն ունեցող պայմանավորվածությունը, այլև Սիրիայի սոցիալական ապահովության համակարգին 4,95 միլիոն դոլարի վնաս է հասցրել¹⁹։

Բանակցությունների հետագա ընթացքի համար կարևոր նշանակություն ունեին Բաաս կուսակցության 9-րդ ազգային համագումարի որոշումները։ «Նավթը,—ասվում էր գրանցում,—լինելով արաբների հիմնական ռեսուրսը, այժմ ի սպաս է դրված դադութարարությանը ու նրա մոնոպոլիաներին և օգտագործվում է հետադիմական վարչակարգերին աջակցելու համար։ Արաբական նավթը պետք է ծառայի արաբական ամբողջ ժողովրդի շահերին և նրա զլխավոր խնդիրների՝ առաջին հերթին Պաղեստինի խնդրի լուծմանը»²⁰։ Համագումարը նշեց նաև, որ Սիրիայի առաջ քաշած պահանջները «Իրաք փեթրոլիումին» հանգեցրին նրան, որ իմպերիալիստական շրջանները սկզբում փորձեցին երևրի հեղափոխական վարչակարգը տապալել ներքին հետադիմական ուժերով, իսկ այդ փորձերի ձախողումից հետո հակասիրիական քաղաքականությունն աշխուժացրին Իսրայելի ղեկավար շերջանները²¹։

Ավելի մշակամասն այս դրույթը վերլուծվեց Սիրիայի արտաքին գործերի մինիստր Ի. Մախուսի հայտարարութիւնում: Նա նշեց, որ Խարաշկը, նաւթային մոնոպոլիաների ետևում կանգնած իմպերիալիստական շրջանների կողմից նախապատրաստված, նախահարձակում է պատրաստում Սիրիայի դեմ: Սիոնիստական պետութեան ակտիվացման հիմնական պատճառները Մախուսը համարում էր Սիրիայի «Իրաք փեթրոլիումին» ներկայացրած պահանջները և Բաաս կուսակցութեան ժողովրդաազատագրական պատերազմի միջոցով Պաղեստինն ազատագրելու կուրսը²²:

Նոյեմբերի սկզբին Սիրիային պարզ դարձավ, որ բանակցութիւնների արդյունավետ շարունակումն անհնար է առանց արմատական միջոցներ ձեռնարկելու և որ ստեղծված իրավիճակում մնում է միայն մեկ այլընտրանք...պայքար բոլոր ձևերով, ընդհուպ մինչև նավթամիջան դադարեցումը²³:

Սիրիայի զորքերի ընդհանուր ամրապնդմանը, մասնավորապես «Իրաք փեթրոլիումին» հետ վարվող բանակցութիւններում, նպաստեց Սիրիայի և Եգիպտոսի միջև Կահիրեում 1966 թ. հոկտեմբերի 4-ին համառոտ պաշտպանութեան պայմանագրի կնքումը: Այդ պայմանագիրը արաբական աշխարհի առաջադիմական ուժերի Սիրիական ժողովրդի օրինական իրավունքների համար մղվող արդարացի պայքարի հետ համերաշխութեան ամրապնդման գործին էր: Այս առիթով «Ալ Բասսը», նշում էր. «Հեղափոխական ուժերը, միավորելով արաբական զանգվածներին միասնական շարքերում, վճռական հակահարված են տալիս իմպերիալիզմի այդ նախահարձակողական պլաններին»²⁴:

Նոյեմբերի 26-ին Սիրիան «Իրաք փեթրոլիումին» վերջնագիր ներկայացրեց, հայտարարելով, որ եթե ընկերութիւնն անմիջապես սպառիչ պատասխան չտա իր պահանջներին, ապա նրա նկատմամբ կձեռնարկվեն խիստ միջոցներ²⁵: Այդ որոշումն ընդունվեց հաշվի առնելով Սիրիայի համար հնարավոր բոլոր հետևանքները, այդ թվում նաև Խորայելի հետ ռազմական առճակատումը: «Սիրիական ժողովուրդը,— շեշտում էր այս կապակցութեամբ սիրիական ղեկավարութիւնը,— անվախորեն դիմագրավում է «Իրաք փեթրոլիումին» և նրա ետևում կանգնած արտաքին ուժերին...: Այսօր ժողովուրդն այդ առճակատմանը պատրաստված է ավելի լավ, քան երբևէ անցյալում»²⁶:

Սիրիայի վերջնագրին ի պատասխան «Իրաք փեթրոլիումը» փորձեց վճճի միջ ներքաշել Իրաքին և, օգտագործելով վերջինիս շահա-

գրգռվածությունը նավթամղումը շարունակելու գործում, երկպառակտություն սերմանել արաբների միջև²⁷։ Սակայն, ինչպես ցույց տվեցին նոյեմբերի 22-ին Դամասկոսում տեղի ունեցած սիրիա-իրաքյան բանակ-ցությունները, որոնց ընթացքում կողմերը քննարկեցին սիրիական վերջ-նագրի բոլոր հնարավոր հետևանքները, «Իրաք փեթրոլիումի» կանխա-տեսումներն ու ծրագրերը իրական հիմք չունեն։ Բաղդադի «Ալ Բիլադ» թերթը, մեկնաբանելով Դամասկոսի բանակցությունները և ընդգծելով երկրի առաջադիմական ուժերի համերաշխությունը իրաքի կառավա-րության դիրքորոշման հետ, նախազգուշացնում էր, որ ընկերության քաջշուկի տակտիկան «Սիրիայի և Իրաքի նավթին վերաբերող իրա-վունքների նկատմամբ» կարող է նրա համար բացասական հետևանք-ների հանգեցնել²⁸։

Հաշվի առնելով իրաքի շահագրգռվածությունը նավթամղումը շա-րունակելու գործում, Սիրիան պաշտոնապես հավաստիացրեց, որ կա-պահովի նավթամուղի անխափան աշխատանքը նույնիսկ այն դեպքում, եթե «Իրաք փեթրոլիումը» փորձի արհեստականորեն դադարեցնել նրա աշխատանքը։ Սիրիան, միաժամանակ, բարձր գնահատեց իր մղած պայքարի հետ համերաշխության արտահայտումը, որը դոսևորվեց իրաքյան կառավարության և արաբական աշխարհի այլ առաջադիմա-կան ուժերի կողմից²⁹։

Նոյեմբերի վերջին Սիրիայի կառավարությունը արգելեց ընկե-րության ամեն տեսակ սարքավորումների շարժումը պոմպակայանների միջև, իսկ դեկտեմբերի 8-ին որոշում ընդունվեց Բանիտս մղված յու-րաքանչյուր տոննա հում նավթի դիմաց 5 շիլինգ 5 պենսի չափով հարկ գանձել։ Նույն օրը Սիրիայի կառավարությունը կալանք դրեց «Իրաք փեթրոլիումի» ամբողջ ունեցվածքի վրա, հայտարարելով, որ այն կշա-րունակվի այնքան ժամանակ, մինչև որ ընկերությունը չի վճարի 3,7 մլն ֆունտ ստեռլինգ՝ հունվարի 1-ից սեպտեմբերի 30-ը ընկած ժամանակամիջոցում նոր գներով նավթամղում կատարելու համար³⁰։

Սիրիայի գործողություններն իրաքի կողմից ընդհանուր հավա-նության արժանացան։ Դեկտեմբերի 9-ին իրաքյան կառավարության դեկավար Ն. Տալերը, արժանիորեն գնահատելով Սիրիայի ձեռնարկած միջոցառումները, միաժամանակ ընդգծեց, որ Սիրիայի կողմից «Իրաք փեթրոլիումի» ունեցվածքի վրա դրած կալանքը «չպետք է, որ իրաքյան նավթի տեղափոխումը կանգնեցնելու կամ նրա արտահանման շա-փերը կրճատելու համար առիթ տա»³¹։

«Իրաք փեթրոլիումի» ունեցվածքի վրա կալանք դնելու մասին չուրերը ԱՄՆ-ում և Անգլիայում շատ լուրջ անհանգստություն առաջացրեցին: Այսպես, ԱՄՆ-ի պետական ղեկարարամենտի՝ ներկայացուցիչն այդ առիթով հանդես եկավ հատուկ հայտարարությամբ, որում նշեց, որ ԱՄՆ-ը շատ ուշադիր և անհանգստությամբ է հետևում ղեկավարի դարգացմանը, և միաժամանակ հասկացրեց, որ ամերիկյան կառավարությունը ծայրահեղ բացասական կզնահատի նավթարդյունաբերող երկրների և նավթային մոնոպոլիաների միջև գոյություն ունեցող հարաբերությունների բնույթն արմատականորեն փոխելու ցանկացած փորձը³²:

Այնուամենայնիվ, Սիրիայի վճռական գործողությունները հանգեցրին այն բանին, որ «Իրաք փեթրոլիումը» ստիպված եղավ որոշ զիջումներ անել և առաջարկեց վեճը լուծել Սիրիայի օգտին տարեկան կոնյեսիոն մասնահանումները մոտավորապես 2,55 մլն ֆունտ ստեռլինգի չափով ավելացնելու միջոցով: Սիրիան, սակայն, հրաժարվեց այդ «նպաստից», կրկին հաստատելով իր սկզբունքային պահանջները՝ իրեն հասանելիք մասնահանումները 50%-ի չափով ավելացնելու և 40 մլն ֆունտ ստեռլինգ իրեն հասցրած վնասներն հատուցելու մասին³³: Ի պատասխան՝ «Իրաք փեթրոլիումի» ղեկավարությունը ղեկտեմբերի 10-ին դադարեցրեց իրաքյան նավթի տեղափոխումը սիրիական Բա-նիաս նավահանգիստը³⁴:

Չնայած նրան, որ նավթամղման դադարեցումը զգալի հարված էր իրաքի շահերին, Բաղդադը պաշտոնապես շարունակում էր պաշտպանել սիրիական պահանջները: Դեկտեմբերի 10-ին վարչապետ Ն. Տալեբն հայտարարեց, որ իրաքը ցանկացած պարագաներում «Իրաք փեթրոլիումից» պիտի պահանջի իր հասույթի վճարումը նավթի տարեկան սովորական հանույթի չափերով³⁵: Իրաքի այսպիսի դիրքորոշումը Սիրիային թույլ տվեց իր հերթին լրացուցիչ ճնշում գործադրել ընկերության վրա, և դեկտեմբերի 13-ին փակել իր տարածքով ղեկի լիբանանյան Տրիպոլի նավահանգիստն անցնող նավթամուղը³⁶:

Ողջունելով իրաքի դիրքորոշումը և ընդգծելով իր գործողությունների համարաբարական բնույթը, Սիրիան էոչ արեց նավթային մոնոպոլիաների թեկադրանքի վերացման մեջ շահագրգռված բոլոր ուժերին աջակցել իր խղճով պահանջներին: Ինչպես նշվում էր սիրիական կառավարության պաշտոնական հայտարարությունում «...Իրաքի արևք ժողովուրդն՝ ու արաբական մյուս երկրների ժողովուրդները Սիրիային

աջակցում են, քանի որ լավ են հասկանում նրա դիրքորոշման սկզբ-
բունքային դրդապատճառները, որը թեև դրվում է ոչ թե մասնավոր
նկատառումներով, այլ որոշվում է համաարաբական շահերից ելնե-
լով»³⁷:

«Իրաք փեթրոլիումի» փորձերը՝ բախել Սիրիայի և Իրաքի շահերը
ոչ միայն ցանկացած նպատակին շահագին, այլ ընդհակառակը.
նպաստեցին այն բանին, որ երկու արաբական երկրներն հանդես դան
միացյալ ճակատով: Նրանց դիրքորոշման միասնականությունը հավա-
նություն տալով բաղդադյան «Աս-Սաուրա ալ-Արաբիյան» ընդգծում
էր, որ Իրաքը նավթային մոնոպոլիաների վրա է դնում» նրանց
օբստրուկցիոնիստական դիրքորոշման, քաջքուկի և Սիրիայի պահանջ-
ներին պատասխան տալուց խուսափելու պատճառով առաջացած լար-
ված իրադրության ստեղծման» պատասխանատվությունը³⁸: Իր հերթին
Սիրիան, նշելով սիրիա-իրաքյան հարաբերություններում երկպառակտու-
թյուն սերմանելու իմպերիալիստական շրջանների փորձերի անհաջողու-
թյունը, ընդգծում էր, որ Իրաքն ի վիճակի է ինքնուրույն մշակել իր
նավթային հարստությունները, և որ «Իրաք փեթրոլիումի» գործողու-
թյունները միայն կարագացնեին նրա սեփականության ազգայնացման
վերաբերյալ իրաքյան կառավարության որոշումը³⁹:

Դեկտեմբերի 16-ին Իրաք ժամանեց Սիրիայի արտաքին գործերի
մինիստր Ի. Մախուսը, որին իրաքյան ղեկավարները նորից հավաս-
տիացրեցին իրենց դիրքորոշումը⁴⁰: Իր հերթին Ի. Մախուսը հայտա-
րարեց, որ Սիրիայի տարածքով անցնող «Իրաք փեթրոլիումի» նավ-
թամուղն իրականում իրաքյան ժողովրդին է պատկանում և միաժա-
մանակ նշեց ընկերության ազգայնացման հարցը քննարկելու անհրա-
ժեշտության մասին: Նա ընդգծեց նաև, որ ստեղծված իրադրությունում
առանձնահատուկ նշանակություն է ձեռք բերում արաբական երկրների
ակտիվ հակաիմպերիալիստական դիրքորոշումը, և որ այդ առումով
նրանց դերն այսօր «չի տարբերվում 1956 թ. սուեզյան պատերազմում
նրանց կատարած դերից»⁴¹:

Բաղդադում Սիրիայի կողմից «Իրաք փեթրոլիումի» ազգայնաց-
ման հարցի բարձրացումը տառնապ առաջացրեց ոչ միայն ընկերության
ղեկավարությունում, այլ նաև բրիտանական կառավարությունում: Նիթ
նախկինում Անգլիայի ղեկավար շրջանները խուսափում էին որևէ հայ-
տարարություն անելուց, միտումնավոր ձևով ընդգծելով Սիրիայի և
«Իրաք փեթրոլիումի» միջև ծագած տարաձայնությունների զուտ տնտե-

սական և ֆինանսական բնույթը, ապա այդ պահին նրանք որոշեցին իրենց վերաբերմունքը դրսևորել բանակցությունների նկատմամբ և սիրիական կառավարության վրա քաղաքական ճնշում գործադրել: Այդ բանն արվեց բավականին քողարկված ձևով: Այսպես, Դամասկոսում Անգլիայի ղեկավարն Ռ. էվանսը Սիրիայի Արտաքին գործերի մինիստրությանն հայտարարեց. քանի որ «Իրաք փեթրոլիումը» Անգլիայում պաշտոնապես հաշվառված ընկերություն է, ապա անգլիական կառավարությունն իրեն իրավունք է վերաբանում մեկնաբանել բանակցությունների ընթացքը առաջիկա փուլերում²:

Իր հերթին «Իրաք փեթրոլիումը» իրաքյան կառավարությանը տեղյակ պահեց, որ նավթամուղի փակման կապակցությամբ չի կարող ընթացիկ տարում Իրաքին ամբողջությամբ վճարել կոնցեսիոն մասնահանումները: Պարզ է, որ «Իրաք փեթրոլիումի» հայտարարությունը Սիրիա-իրաքյան համերաշխությունում երկպառակտություն սերմանելու նոր փորձ էր³: Այս հայտարարության հակաօրինական լինելու մասին նշեց մասնավորապես բաղդադյան «Սաութ ալ-Արաբը», որը գրեց, թե «Իրաք փեթրոլիումն» իրավունք չունի ոտնահարել իրաքյան ժողովրդի շահերը միայն այն բանի համար, որ Բաղդադը պաշտպանում է Սիրիայի իրավացի պահանջները⁴:

Իրաքի՝ Սիրիային պաշտպանելու կուրսի ուժեղացմանը նպաստեց եղիպտական ղեկավարությունը, որը տեղեկացրեց իրաքյան կառավարությանն այն մասին, թե Եգիպտոսն իրեն համարում է վեճի մեջ ներքաշված անմիջական կողմ⁵: Միաժամանակ Ազգային ժողովի հատուկ հրավիրված նիստում Եգիպտոսի վարչապետ Ա. Սիդկին նշելով Եգիպտոսի համերաշխությունը Իրաքի արդարացի պահանջների հետ միաժամանակ, ընդգծեց, որ իր երկիրն «ամբողջովին պաշտպանում է Սիրիայի կառավարությանը ժողովրդի շահերի պաշտպանության գործում»⁶:

Նավթային մոնոպոլիաների տնտեսական թելադրանքի, «Իրաք Պեթրոլիումի» ետևում կանգնած ԱՄՆ-ի և Անգլիայի իմպերիալիստական շրջանների՝ արաբական առաջադիմական վարչակարգերի, առաջին հերթին Սիրիայի, վրա ռազմաքաղաքական ճնշում գործադրելու դեմ ուղղված պայքարում միջարաբական համագործակցության ամրապնդման հարցերը քննարկվեցին 1967 թ. փետրվարին Իրաքի ղեկավարների Կահիրե և Դամասկոս կատարած այցելությունների ընթացքում: «Այդ այցելությունները,—նշում է Օ. Գերասիմովը,—որոնց ըն-

թացքում քննարկվեցին առաջին հերթին նավթային պրոբլեմները, ակընհայտորեն ազդեցին նավթային ճգնաժամի կարգավորման վրա»⁴⁷:

Արդյունքում «Իրաք փեթրոլիումը» ստիպված եղավ վերսկսել բանակցությունները Սիրիայի հետ: 1967 թ. մարտի 2-ին Դամասկոսում ստորագրվեց Սիրիայի տարածքով Իրաքյան նավթի տեղափոխման նոր համաձայնագիր: Սիրիայի օգտին կոնցեսիոն մասնահանումները բարձրացվեցին 50%-ով, որը ուժի մեջ էր մտնելու հետին թվով՝ 1966 թ. հունվարի 1-ից և Սիրիայի կառավարությանը լրացուցիչ տալիս էր 11 միլիոն դոլար: Միաժամանակ «Իրաք փեթրոլիումը» պարտավորվում էր Սիրիային վճարել 1955—1965 թթ. առաջացած պարտքը 40 միլիոն ֆունտ ստեռլինգի շահով⁴⁸:

Վերջում նշենք, որ Սիրիայի հաջողությունը «Իրաք փեթրոլիումի» հետ կոնցեսիոն համաձայնագրի վերանայման համար մղված սլաքսրում ուներ ոչ միայն կարևոր տնտեսական, այլև քաղաքական մեծ նշանակություն: Հասնելով իր օրինական պահանջների ամբողջական բավարարմանը, Սիրիան ամբողջ արաբական աշխարհին ցույց տվեց ներդաշնակաբարության քաղաքականությանը դիմակայելու խնդիրներին արմատական լուծման հնարավորությունը և, այդպիսով, ոչ միայն նպաստեց արաբական ժողովուրդների նավթային հարստությունների աղգանացման կուրսի ամրապնդմանը⁴⁹, այլև զգալի հարված հասցրեց Մերձավոր արևելքում իմպերիալիզմի դիրքերին:

Г. М. ГРИГОРЯН

БОРЬБА СИРИИ ЗА ПЕРЕСМОТР КОНЦЕССИОННОГО СОГЛАШЕНИЯ С «ИРАК ПЕТРОЛЕУМ КОМПАНИ»

Резюме

В августе 1966 г. сирийское правительство потребовало от империалистического нефтяного консорциума «Ирак Петролеум Компани» увеличить на 50% отчисления за транзит нефти из района Киркука (Ирак) в сирийский порт Баньяс, а также выплатить Сирии долг в размере 40 млн. ф. ст., образовавшийся в период 1955—1965 гг. в результате различных финансовых махинаций совета директоров консорциума.

Добившись в марте 1967 г. полного удовлетворения своих законных требований, Сирия наглядно продемонстрировала асе-

му арабскому миру возможность коренного решения задач по оказанию противодействия политике неокOLONиализма и тем самым не только активно способствовала укреплению курса на национализацию нефтяных богатств арабских народов, но и нанесла ощутимый удар по позициям империализма на Ближнем Востоке в целом.

- 1 Л. И. Медведко, К востоку и западу от Суэца. М., 1980. с. 74.
- 2 Р. Н. Андреасян, А. Я. Эльянов, Ближний Восток, Нефть и независимость. М., 1961; Л. И. Комлев. В борьбе с нефтяными спрутами. М., 1976.
- 3 ١٩٦٦-١٠-٢٢ "البعث".
- 4 The Middle East and North Africa 1966-67. Europa Publications Limited, London, 1966, p. 65
- 5 Р. Н. Андреасян, А. Я. Эльянов, ١٩٦٤, ١٢/١٠, էջ 10:
- 6 J. Kimche. Palestine or Israel. The untold story of why we failed, 1917-1923: 1967-1973. London, 1973, p. 231.
- 7 Նախագիտի անհրաժեշտ էման խախտումների մասին մանրամասն տե՛ս Р. Н. Андреасян А. Д. Казюков ОПЕК в мире нефти. М., 1978, с. 27-40.
- 8 The Middle East Journal, Winter 1967, vol. 21, № 1.
- 9 Современная Сирия (справочник). М., 1974, с. 217.
- 10 "The Daily Star", 8.10.1966.
- 11 ١٩٦٦-١٠-٢٥ "البعث".
- 12 Select Chronology and Background Documents relating to the Middle East. Washington, 1975, p. 20.
- 13 ١٩٦٦-١١-١٦ "البعث".
- 14 The Middle East Journal, Winter 1967, vol. 21, № 1.
- 15 ١٩٦٦-١٠-٢٥ "صوت العرب".
- 16 ١٩٦٦-١٠-٢٦ "الثورة".
- 17 ١٩٦٦-١٠-٢٧ "الثورة".
- 18 Նույն տեղում:
- 19 ١٩٦٦-١١-٢١ "الاشتراكي".
- 20 Statement of the National Command About the Achievements of the 9th National Congress. The Arab Baath Socialist Party. National Command. Damascus, 31.10.1966, p. 55.
- 21 Նույն տեղում, էջ 35.
- 22 "The Daily Star", 25.10.1966.
- 23 ١٩٦٦-١١-١٠ "البعث".
- 24 ١٩٦٦-١١-٢٢ "البعث".
- 25 "The Daily Star", 21.10.1966.
- 26 ١٩٦٦-١١-٢٢ "البعث".

- 27 Նավթամուղղվ լիաբանանյան Տրիպոլի և Սիրիական Բանիաս նավահանգիստներ էին մղվում իրաքյան նավթի մոտ 70%-ը: Էնդ որում Բանիաս էր մղվում տարեկան 26 միլիոն տոննա հում նավթ, այսինքն՝ նավթամուղղվ անցնող նավթի մոտ 60%-ը: Նավթամուղղի փակումը կհանգեցնեք իրաքյան նավթի առդյուռնահանման ընդհանուր անկմանը: (.The Daily Star", 11.12.1966.
- 28 ١٩٦٦-١٢-٢٣ "البلد".
- 29 "The Daily Star", 26.11.1966.
- 30 "The Daily Star", 9.12.1966.
- 31 "The Daily Star", 10.12.1966.
- 32 "The New York Times", 8.12.1966.
- 33 "The Daily Star", 10.12.1966.
- 34 О. Герасимов, Иракская нефть. М., 1969. с. 139.
- 35 "The Daily Star", 11.12.1966.
- 36 The Middle East Journal, Spring 1967, vol. 21, № 2
- 37 ١٩٦٦-١٢-٢٣ "البعث".
- 38 ١٩٦٦-١٢-٢٣ "الثورة العربية".
- 39 "The Daily Star", 14.12.1963.
- 40 О. Герасимов նշված աղբ., էջ 140.
- 41 ١٩٦٦-١٢-١٧ "البعث".
- 42 "The Daily Star", 16.12.1966.
- 43 О. Герасимов նշված աղբ., էջ 141.
- 44 ١٩٦٦-١٢-١٨ "صوت العرب".
- 45 "The Daily Star", 19.12.1966.
- 46 ١٩٦٦-١٢-٢١ "الاجرام".
- 47 О. Герасимов նշված աղբ., էջ 142.
- 48 The Middle East Journal. Summer 1967, vol. 21, № 3.
- 49 Resolutions of Sixth Arab Oil Conference (Baghdad, March 13)--Arab Political Encyclopedia, Documents and Notes. Fifteenth Year, January-June 1967, Cairo, p. 127-128.